



ГАЗЕТА 1931 ПО' АПРЕЛЬ ИРЫ' ЮКАД ВАТА ХАСАВАЮДИМДЕЙ ЯЛЯХАД ҢАДИБЕРҢА

СИ' ИВ ЯЛЯХАНА ҢОПОЙ' СЕРТАБИВА"

Мэбета вадава" ила' панан' етри' мэква"! НЯРЪЯНА НЭРМ



№ 7 (5281)
2026 по'
февраль иры'
14 яля
СУББОТА

Российская Федерация Ямало-Ненецкий автономный округ



Тагта: Андрей Пяк тагтамы

Нешай"
демыпчал"

6

Ты пэртя" нисянадо' пыда"

Яра иры' 5-9 яляха"на Саянгардан' сёбар" ненэця" турҥаць. Нэрм' тер" сянакубц тэнз"мана пирдырҥаць. Пыдо' яна" тигувна җэда тодо" районхат товыць. Сянаковы" поҥгана тохолкода" җацекеы" җани' мэць.

Сюрмбахая няхар" мэва санарма', сюрберма', тубкам' моёпава' пуд ярколава җась. Хубтахана ю" час' пиркана сёбар" мале тынзяҗодо' ня"маць. Пирдырта маниенаҗэ, тидхалембадаҗэ тарана", тэри сырманзь товы" Лар яха' варан' ма"лыць. Нумда хэ"нёркаҗэ еремясь. Ңопой яхана ни-хиваб" ну", тецьдада җод" сабе яҗгуркась. Мер-цянда яҗгоркава' нид ярколавадо' җанихитата мер' малеяць.

Тынзя" минаць хан"-җаць, тюр сани" мэва мяра' мюня хаюрҗась. Хусувэйндю' җудида тынзям' санопа торомбэяць. Сямянхат җокавна тюрм' ярквэхэваха' Евгений Вануйто няби Вадим Вануйто җэвэхэнзь. Сидябты' Ямальской район' Яр-Сая' харад' терха'. Пыхыдади' «Лидер»м' нубета спортшко-лахаана тохоламбиди'. Евгений чемпионатхана нерня' ха"мыць, Вадим – 16-17 потна" поҥгана.

Тасу' я' няд товы Виктор Сегой җани' варемда мэҗась. Пыда няхаромдэясь. Вадав-нанда сяхаҗгарт' яркулавахана нерня' нивысь еребер". Ңули" мэненахаюда тубкам' моёпава няби сюрмбахая няхар" мэва санарма. Теда' җод" сававна са-навыць, җобтики няхаромдэй. Таремгав' Тасу' я' терҗэ мат-

донзь. Виктор Сегой' хавна чемпионатхана Вячеслав Салиндер, Эдуард Яр, Ксения Тэсида мэць. Никита Яр няби Алёна Лапсуй школахана тохолкода" нити" җар" поҥгана пирдырҥаханзь. Алёна сюрмбахая җопой яхад няхар" мэва са-навахана няхаром-дэй җэвысь. Сиддо' тидхалембададандо' «Мастер спорта России» нюмам' мэта Владимир Пяк тара. Пыда по' пирт' тарця манзаям' мин-ре. Ма"нисяв, тики сер" ёль-це ихинанда пои. Пыхыдадо' тохоламбван' харвана" җод" тания". Не җацекеэри" тянёрка



Сидяҗг: Анна Яптик' тагтавы"



Сидяҗг: Андрей Ткачёв' тагтавы"

Пыда тубкамда җаха" мовысь, няхаромдэй ян' ха"амвыць. Тар-ця вади мэҗась:

– Нэрм' тер" сянакубц" тэ-нзха" небо' 2025 похона тэвы-ваць. Тандая' пыхыдами тохо-ламба пывась. Тикы' нерцю" сюрберцетым', пирдырмаха"на мэсетыдм'. Си"ми тохоламбада-ми си"ми хаҗась, ма"нив: «Сюр-берпат җули" мере"җананё, няна" туҗэ"». Мань пуны' нидамзь җа". Тюкохона җод" сюрберма няна-ни нензел". Яркулавам' җани' пир"җав. Сямянхат тоенанахав хано санарпава җэва' сер' җа.

Нэрм' тер" сянакубц" тэнз мин-рена" ненэцие" җокаюм' пеля выҗгана вадёвы" ненэця". Нюдя җэдахандо' нисянадо', небянадо' хой' няҗы иланд' тохолавыдо'. Ңадьбята вырэйвана ныхымдо' нись сый" нерняри' җэсь пэрҗа".

Анна Яптик' падвы

Едэй лекар" мяканандо' манзара"

Ңыд' тер" едэй лекар" мякандо' хабцяҗодо' савумдаванзь лимб'ирыхыд ядэрҗа".

2 стр. җа



Сидяҗг: Ирина Окогэтто' җэдабтавы"

Индо' харвабцовна нядаҗгурҗа"

Нядаҗгардахана «СёстрыЗАСВОих» нядаҗгоди" группа тания. Сайнорта" яна" тер нядаба варемдо' мэҗа".

3 стр. җа



Сидяҗг: Вера Эгамова' җэдабтавы"

Илаҗгана вырэй не

Ңопой сава няна" яра ирий юдимдей толыркана соя"ма' ялямда мэтава". Галина Одмовна Коренева харта тэнзда Тохולי.

4 стр. җа



Сидяҗг: Марина Яр' тагтавы"



Едэй лекар" мяканандо' манзара"

Ѓыд' тер" едэй лекар" мято' понарка ҥатедонзь. Теда' танияд сава юнм' намдава". Ѓавэдаана едэй по' нердена ирыхына лекарадо' едэйвана мивы хардандо' мюня манзара пывыд". Ненэця" хабцяҥодо' савумдаванзь лимбя' ирыхыд тания' ядэрҥа".

Ѓахат сер' хусувэй ҥамгэдо' тания. Ѓопой, лекар" мэта" мутра" мал' едэй". Хаҥгулавы ненэця" вэям' ханаҥгу", вэявнанда хабцяҥода таслаҥгу". Саҥговота хабцяҥам' манэць тараб"нанда, тикирихина Нядаҥгарад' лекараха" вэямда ҥэдабтаҥгудо'.

Поликлиника няби стационар ҥобкад переҥаха'. Теда' саҥговоць хаҥгуртидо' манэ"манзь харад' няби вэт' ядэрць ни тараҥгу". Стационархана юседана" е"эмня мале сян хонё лохом' (палатам') сертавы". Мюняндо' матаядо', ваҥгдо' тания". Хаҥгурта ненэць' хабцяҥода пыхыдамда тэри таҥга юседаҥгу.

Рентген-кабинетханандо' тивак" хабцяҥо ҥобтики едэй" мутры няд"мяць тасламбаҥгудо'. Ѓока по" ямбан' танияна Людмила Алексеевна Ключникова (Чернокнижная) манзара. Харад' тер", вы' тер" мал' тикы лекарамдо' саву"ҥадо'.



Сидяҥу": Ирина Окоетто' ҥэдабтавы"



҃ацеки" лекарадо' – Татьяна Анатольевна Тарханова. Пыдхавада хусувэй ҥысы' ҥацекем' тенева, хусувэхэндо' сава вадам' хоҥгу. Сян мэва' тиртя ҥанохона ты пэрти" мядо"мана ҥэдалёрмакы. Сита нядабадаҥэ Нядонги Елена Коколевна тара. Ѓобкана няхар" юкад вата по" ямбан' ҥацеки лекарабтамбихи".

Физиотерапевтической кабинетхана мэна лекар" недо' Ирина Сергеевна Окоетто манзаямда ҥани' тяхасовна минреда. Хаҥгурта" ненэця" тенева": мер' сензјэ ханда".

Танияна" лекар" хибяхартм' няд"маси" ни" хаеҥгу". Хардандо' тер" е"эмня варемдо' мэ"ҥа". Едэй яханандо' манзаямдо' тамна сававна тидхалембаҥгудо'.

Галина Кинчина'
падвы

Харта серкананда ва"лэй

Пэ" хоё" няна ҥэда Аксарка' тер Антонида Ивановна Сметанина иланда ямбан' минрена манзаита е"эмня ненадумда"мам' ня"амвы. Пыда сёётэй не, тикэнда хавна тарана", хынота" нида нерня' тидхалемби. Ѓацеки"сита няд"мяць невхы" иринато' сё тохоламби". Янда тер" юнета нямдо' ёльце саву"ҥадо'.

Ня"амвы ненадумда"мада «Серебряная гагара» нубе"ҥа. Тарцяҥм' хусувэй ненэць' недвоць нида пират". Антонида Ивановна Ямалханана" ҥока по" ямбан' ненэй ненэцие" культура" серо нерня' тидхалемби. «Ялэмд» няби «Нумгыкоця» ансамбльха' нермбэртяҥэ тара. Манзаяда илаҥгаданда пере. Лаханако, сё

нюдя ҥэванда мальҥгэхэд теневада. Нисяданда намдормыда. Теда' тэри харта мята тер" пирувна ваде"манда хавна ҥани" янда" терха" тэволэйда. ҃арка спектакльҥэ сертабида. Тикы серкананда сёётэй нида, тохолкода ҥацеки ҥобт' ма"ламби. Пыдо' ҥобкана ҥока тэнзм' мэта" ненэцие" поҥгана маня" илна" саирм' ҥадимдемби". Ненэй вадавна ҥэда" невхы" сё, ярабц, лаханако тодо" я' тер" намдоръядо'.

Маня" ҥэрм' терҥэ, юнета няна" ё"эмня ҥули" маймбива". Сертабада манзаяда етри' сававна миҥая. Илебей ненэця", ҥацеки" ҥарка нямдо' мание ненэй вадамдо', иринато' сё, лаханако тохоламбая".

Галина Окоетто' падвы

Яна" паднани" е"эмня

Яра иры' нюртей яляхад ненэцие" падвы ҥнигаҥэ сертаба пяҥгудо'. Ѓэрм яна" нямна паднани тэрабаҥгу". Пыдо' Ямална" тер" ҥэбто' тара", е"эмняндо' конкурсм' минреҥгу".

Поҥгадандо' нерня' ха"амвыто' падвы" манзая" ҥнигаҥэ ханда". Ямалханана" мале юд по" округва" няд"мяць тарем' едэй толаҥгобць сэдыби". Таҥок по" ямбан' сидя юр' мян' ненэциам' нядавыць. Ѓокханда мат" ю" си"ивёнар" ҥнигам' ҥадимдевыць. Ямална" харад' библиотекаха" ҥэдарамбаҥгудо'.

Пирдырман' харвана" пад-

родо' электронной почта' dvr@yanao.ru сер' вэба' иры' нюртей яля' ҥэсонд' ҥэдабтабто' тара. Тикыдо' ҥани похона ҥадимда".

Тюку по' ҥани' мале сян толаҥгобцьм' ялян' ҥадимдеҥгу". Ѓокханда сиднет паднаҥам' тэравыць. Ѓэрм' терхат Анфиса Сэротэтто' «Мамако» нубета повестыҥм', Валентина Лонгортова' «Детвора. Семейные истории» нубета иле"мям' падар" мю' мэҥгудо'.

҃эрм' тер" нина" падвы" сяхариндо' хайнасеты". Толаҥгуркава".

Солне Ѓокэй' падвы

Индо' харвабцовна нядаңгурна"

Нядаңгардахана «Сёстры-ЗАСВОих» нядаңгоди" группа тания. Небой по' нобт' ма"лорць пэйдаць. Сайнорта" яна" тер нядаба варемдо' мэ"жа". Нида нерня' тидхалембадаңэ Вера Павловна Эгамова тара.

Пыдо' мале жахакуна ныланава' яляханато' нобт' тэвормы". Ныхыто' пирувна няд"ми ма"ламбавы". Тикыдо' – жавар", еся", тамна жани няд"мако" жэсетаы". Волонтерха" ханлавыдо'. Таняд таславы" ненэця" СВО' няю' жэдабтамбавыдо'.

Жобаңгуна сава иңудм' ховы". Харто' группадомдо' сертавы". Нердена ялэдо' тарем' тензебтембидо'.

– Мал' Нядаңгарад' терва". Нина" жока по' ямбан' тене-вына". Помнана" мер' юне жэдабтамбавана" е"эмня интернет' муравна группам' сертаваць. Тараванда мальггана тания' паднасетыва". Нина" хонрамбасетыва": «Тюку яля' сяха' манзара пэңгува»? Хибя тута? Жамгэм' сертабаңгува"?» Ханяңына" хасава нюдо' сайнорна", нито' ню" СВО' няна мэ", хибяхавадо' танияна сайнорць яңгумы. Ненадовна поңга паңгалпасетыва". Сямяхат жарка манзаядана" тасламбива". Сайнормахана ёльце таранаңэ ваде"ядо'. Хар"на" «жувоцяха"на" сярюпина". Тарем' нюмдебадина" – хэбичакована матормы тохоцяко". Сырэй нумгана мэ"манда" поңга" сэракорка" «жувоцяха"на" сярсетына". Таңы нумгана тараванда поңгам' падярахаңэ сертасетыва", пя' вэбараха, я' сяр' ний то"олха жэбта серо"жа. Тю"уна тирта «дрон» поңгахана синдавым' вунида манэт". Мале мат" тарця поңгам' сярарава". Тамна еся сава («шлем») ни



Сидяңг": Вера Эгамова' жэдабтаы"

серыбада" таңгакоци паңгалпива", тикахад нобтики тодо" тэнз' тохоцякохо"на сярюбина". Блиндажхана хонё мэта" пыркабтадо' жани' сэдыбива". Мэць малевы" тохоця ма"ламбива", тикыдо' лекар" мякана мэтыдо'. Сэдо-



ра мэта" жаворина" хар"на" тэмдабина". Ханяңэхэна яна" терха" юнм' жэдабтасетыва", нядандо' тэмдорць есядава" ма"ласетыва".

Вера Павловна нида ёльце саву"яда:

– Мал' харто' индо' харвабцовна нядаңгодаңэ тара". Волонтер жэвадо' падаркана пады. Хусувэй яля' ма"лорцетыва": няхар" часхад си"ив час' ёльцянд манзарасетыва". Хар"на" помнана" пыхыдана" лярцакоцяңэ нюмдебина". Мяканана" сертабадина" жани' таниясеты". Луиза Поронгуй нюнда нюм' няць апельсин", яблок" ютекэци тырабтамбись. Любовь Филиппова «пастила»м' сертабись. Нармы" нина" насок паңгалпи". Ныхыто' пирувна сайнорта" хасава нюто' сенз жэвам' лэтрамби". Теда' жани' несэй серм' пываць. Татьяна Пандо сидна" табедась. Пыда сайнорта мяңгамда лахана ня"мы. Таняд таранавадам' намдавы: «Тепловизорхат лыңгарё мэта «плащ»до' тянё». Жадьбяна" помнана" таслава": тарцядамдо' хар"на" сэдаңгува". СВО' няю' жэдабтавана" нерцюна тяхасовна манэтына": ненэця' жая' явом' пиня' жэдарамбабато' ни серос", тарем' пэвдяхана тепловизорсавэй" дрон" сиддо' ни' хонгу".

Минрена манзаямдо' сайнорта" нито' табекохо" инзеле пэржадо'.



– Маня" няхатана" етри' хонаркосетыва". Ханяңы" телефонувна лаханасеты", паднасеты". Тамна жани" отпускхана мэвандо' мальггана штабхана" тюңгасеты". Нядандо' ненэйвана жамгэ таравам' намдасетыва". Тандаярка жопой теневаана нява" нянаана" мядоңась, танияна «Техник»жэ нюбе"жадо'. Сидна" табедамбись, ма"нисяв: «Жудаха"на сярю"мы" поңгада" лыңгнэ мэць жули" сава". Тарця поңгахана синдавы" сайнорць мэта" жаворина", иле мядикуна" тю"уд ни" жадо". Лыңгарё хаоржава". Сайнорма' серма" таңгарка минрева". Ти, сидна" нядаба ёльце жарка таром' минреда", тарем' иле хаоржава"».

Ваде"мы нини" тотрев' хусувэй ненэць' нядаңго пиржада. Илесь яханата" Нядаңгардахана мэна" не" тотрев' манзарана" жани' тания". Харваб"нанда, жоб тикы няңдо' хан"жада". Тарця серкана няд"ма сяхари' тарасеты.

Галина Кинчина' падвы

ОБЪЯВЛЕНИЕ

Ямалхана СВО' няна сайнорта" ненэцие", мято' тер" е"эмня жадимдевы" няд"ма"

СВОИХ НЕ БРОСАЕМ

ВСТУПАЙ В РЯДЫ РОССИЙСКОЙ АРМИИ

КОНТРАКТНАЯ СЛУЖБА

6 700 000 Р

ЕДИНОВРЕМЕННАЯ ВЫПЛАТА НА ЯМАЛЕ

4 000 000 Р

ПОЛНАЯ ИНФОРМАЦИЯ ПО ТЕЛЕФОНУ

8(902)816-11-90
8(34922)3-98-08

ЗВОНОК ПО РОССИИ БЕСПЛАТНО

МИНИСТЕРСТВО ОБОРОНЫ РОССИЙСКОЙ ФЕДЕРАЦИИ

contract89.ru



Илаңгана вырэй не

Їэрм яхана ненэй ненэциена” харто’ яханато’ иле”. Їокаюм’ пелядо’ Ямал’ няна мэ”. Пыдо’ вымна мюсерџа”, хардахана луци” илам’ нёда”. Мань таяна тенева на нини” мале џока”. Їопой сава няни яра ирий юдимдей толыркана соя”ма’ ялямда мэтава”. Галина Одмовна Коренева харта тэнзда Тохоли.

Паңгода тэхэт перена” ненэцяңгат миџа”. Нися’ хасада Приуральской районхана мюсерта ненэц’ џэвысь, пухуцядамда Пэ” хой’ тяхад тэвравэдасть. Тарем’ Ненэцие” округханана” соявы, Вайгач’ џохона мюсермы ненэц’ не ню Ямал’ няю’ тэввыць.

– Їацекэңэ џока маям’ манэ”џадамзъ. Тенев, то’ вархана илеваць, Лаборовоян’ тэворцетыва”. Халярим’ џаворцетыва”, џани џаварм’ манэць ехэраваць. Школан’ хэвани џэсонд’ хадани, ирини хэвхана мэдамзъ...

Си”ив похонанда не џацекы мякданда школан’ ядэрцетвы. Хабцяңгад ехэрана џацекэцям’ тивак’ хабця’ пэвэдасть. Лаборовойхана манзаравы лекарадо’ Галям’ Салыңгардан’ ханавэдасть. Тарем’ не џацекы лекар” мят’ еремысь. Галина Одмовна тамальџгы” по сававна тенейда:

– Пили” лекар” мякана мэсетыдм’, мале пон’ нидамзъ тохолку”. Сян иры ваерась санаторно-лесной школан’ си”ми тэвраць, таяна иледамзъ. Тоходанавани мальџгана џока сава хибярим’ торомдадамзъ, воспитатель” сидна” нядабасеты”. Тохолковам’ ёльце мэне-вась. Пон’ хабця’ си”ми нись хаебю”, ядэрць ныхыми яңгусеты, пили” юседасетыдм’. Лекар” выдарана” то”олха” џэсеты”. Ирини мят’ си”ми ханаванзъ ятналыдаць. Ими ёльце вомась, хамедамбивась, илевандадм’ нинарахадм’ џа”... Ябми таяны ни џа”? Си”ми тамна ни” хана”, е”эмнани Тюменьхад лекар” товысь. Хонаркурџась: «Няни Тюмень март’ хантан? Таяна операциям’ сертаңгудм’, хабцямд’ мадаңгува”...». Тарцям’ намдхава, мань тэрейваць: «Тутадм’! Тутадм’!»

Тикы’ пуд мат’ юкад вата по” ваера”. Галина Одмовна Коренева тюку по’ 80 помда ядабта. Педучилищем’ ёльце”махаданда Сёяха џэсын’ манзаралмыць. Таяна хойхана мюсерта” ненэц’ ню тохоламбавысь. Юкад вата самляңг по” ямбан’ џока џацекым’ падна, толаңго тохолавысь. Пыдо’ теда’ мал џарка ненэц’”, тохолкодамдо’ (сиддо’ тохоламбавэмдо’) тенад’ тенедо’.

Пуна Салыңгардан’ тэвыць. «Няръяна Їэрм» газетахана паднась. Округ’ тиңгэвна џэдалёрцеты, выңгад тэвравы” юне падыбасеты. Таянд’ радиохона лахананаңэ хаясь. Сян юд’ мян’ по” ямбан’ ивнанда џэда серм’ минресь. Пыда ватовнанда Ямалхана џэрм’ тер” телевидение џадимьясь. Галина Одмовна нерм’ пэрџась. Ненэй ненэц’”, хаби” программа’ хавна радиовна џысма”, тасу’ хаби”, хадян” лаханаць. Юне ма”ламба вымна џэдалёрцеты”, тыбэртыха”, халыданаха”, тэворцеты”.

Галина Одмовна – нямбара, илам’ мэнена не. Пыда няданда Ямалхана џэрм’ тэнз” телевидение’ таяна миџа. Тарця манзаян’ сиддо’ Галина Коренева тэвравы, ханяңыдо’ тенад’ варемдо’ мэ”џа”: Лариса Окоэтто, Елена Сибарева, Юлия Накова, Анатолий Терентьев...

Галина Одмовна Коренева Ямалхана тенева наядо’, џарка яляхананда џока ихид минда” вади намдаңгу. Галина Одмовна, тад’ нерня’ џод” илар’ сававна миџа, сензан’ џа”, мэё вадар тамна пон’ соя!

Юлия Талеева,
падвы

Сидяңг: Хабэча Яунгад талтавы.

Сидяңг: Марина Яр’ талтавы”



Иңудота иңгней



Сидяңг: Ророва Валеруа тадтавы. Сидяңг: Марина Ярой' тадтавы

Сидяңг: Раиса Яптунэ тадтавы

Ензя' няна илена", тохолкода" жацеке" харе" выңгана иле"-мидо' няна" ваде"жа". Матвей Яр няби Максим Лырмин Дудинка мар' нюртей школахана тохолкуху'. Пыди' ниди" – хой' тер". Матвей папанда ханзер" ва"лэй нэвам' вэрдась. Максим Лырмин иңгней манэсо"мамда ваде"нась. Лахарёди' сидто' то-холамбада Раиса Пехедомовна тидхалейдась.

Ты" ниць ирыңэ выңгана хая. Ыоб" хубтахана жацяни ня' жули" мер' тыни' вэде"манзь хаяни'. Таско су"ляко" жоковоржа". Ыэдалёвани' сер' няхар" ню-савэй яхадей" ха"мам' едтени'. Ыарка яхадей" хобдо' тари ны-дсуй", пеляридо' жалбаравы". Ыолёкоця" су"ляков" жархандо' жамы", нэвэйтието' лы" тэри хэдена". Ты" ха"ми" хэвхана мань лакри' жамгэхэв сюдбьяко" яд"ми манэ"жадм'. Нисями тёрдедм'. Пыда тикарихина иңгней' яд"ма"

нэвамдо' таслэйда. Хадаравы" тэхэт жамгэхэв вэвако жабт лехэдаржа. Нисями лахарёхона жани нита нива жамаңгад иңгней хадавыда минханда жанзпида. Иңгней' жанзинда вэвако"я жаб-тада таявы.

Мани' тикарихина яд"мита мюмня нэдалё хаяни'. Лакри' иңгней' яд"ма" харто' нэсондо' юху". Тад сомбовна сылавани' харта нерня' нензарта сырам' манэ"жадм'. Жамгэхэв сыра' жыламна яднадрев' жули" мерець миңа. Нядни' ныхы ян' мале тэво-та. Нисями тухунимда нэкал"жа. Нерня' хынамбада сырам' тикан' ядада. Тикавахад сыра' жылад жарка"я пырисе"э иңгней тю"у санэй". Жули" жаркавна нявота тарада. Сянмбой санавахана мале няби я' вэт' тэвы". Мани' сян пум-нанда нини' хань".

Тыни' няю' сюрхалеми'. Нерни' няна жоб" яра седам' манэ"жани'. Тикы ядхана варк сидя хаником-да няць хаерад' няю' сядоць ваны.

Нисями тэри нумд тухунимда нэда. Тухуни' пендм' намдаванда сер' сидям' нюта варк тэри ян' тарада. Мани' тарем' мэнахани' тыни' яндахана хэвы", варени' вэ-некохона жобт' ма"лэйни'. Иңгней сян тына" понд' нись тэвор", жопой хадавы тыда яханато' хаяйнинзь. Пыда ханавакыда, харвабта варк нэвакы.

Тикы серо теда' етри' ибе-цятын'.

СЕЙДА ПЭРХА МИЛЬКА

Мань жолёкоця не жацеке папа-ми тая – Милька. Пыда няхар' покоцяхаданда тандая' хаясь. Нара' няна сыра' нимня папако-ми ханакохона нюдерцетыв. Та' яля' пихина сянакурцетыни'.

Сельбья' няна жоб" сава яляха-на небянана" ня' мараңгыманзь хаява". Милька мякана хаёван' жули" нись харва", сюдбья ярм' ила. Маня" нянана" ханава". Марцяна" ниня минесетыва". Мараңга хоб"нана" Милькам'

лахацяико' ни' жабтахая хае-сетыва".

Лакри' жока"я мараңгадва" хова", тикына" ма"ламба Миль-кам' жули" юрвэва". Една" пан-да"махадана" небява" минханда нюмдя жола. Тад сылавана" Миль-ка ханяхартана ни жадо". Тодо ян' хэхэя тёрсавэй" ядэлына". Ханяхартана жолёкоцява" ма-нэць я"амава". Сейна" жули" хая". Жамгэ' ёльцяңгана мань жули" паль" неро" мандалм' манэ"жадм'. Тая' сюрамба хаядм'. Тад неро тодо ян' мэйнэ, Милькам' тикаха-на хонёдаханда манэ"жав. Юркы", си"ми тумда, нэта ни' минханда нул'й", няни то. Небями сю-рамба тикан' тэвы". Милькам' севолкая нюцяр"жада. Тикава-хад минхана" мякана" хаява". Милькам' тарць серо" пуд «сейда пэрха» не жацекэңэ нюмдеваць. Жопой мараңгынзь нянана" сян нива" ханласету".

Раиса Яптунэ' падвы

Манзаи тохоламбади" е"эмня

Округханана" сававна тохол-кода" илебей" ненэцие" е"эмня нядаңгосэй сертаби". Ямална" нэвахана мэна ервана" табековна 2020 поход пыдо' ю" ёнар" еся няд"мам' ня"марпи". Жокаханда хасаваюр" самляңг ю" сававна то-холковы няд"мам' ня"амвы".

Тадри' есь няд"мам', манзаям' то-холамбадаха" мипа пяңгудо'. Лимбья' иры' няхар" юдимдей' яляхана пад-родо' нэдабтамбаңгудо'. Ты" саполана иры' нэсонд' ня"марпаңгудо'. Илебей ненэця" харто' тохолкулва' мякатато' тарана" падродо' нэдабтамбаңгудо'. Сырэй сессиядо' ханзер" мэ"мамдо', ненадо" серка"на таравамдо' тая' падвыць. Мал жокаханда сидя ю" си"ив тохолкодам' тэравыць. Колледжхат няби вузхат нэда".

Тикы' хавна школам' сававна малевы" нэбто', тидпой' социаль-ной сферахана тохолкобто', савав-на тохолкода" нэрм' тер" илебей" ненэця", ява" лэтрамбади" ню" жани' пыхыдадо' пада пиржа". Пыдо' жацеке тохоламбава', лекар" ман-заи, ила' саирм', тамна жани" жава тохолабабато' серо"жа.

Маня" нэрм' тер" илебей ненэ-циена" нэрм' тер" департаментан' падродо' нэдарамбидо'. Есям' ня"муванди" нюбе ты" саполана иры' сидя ю" самлянзимдей' яля' нэсоңгана вадетыдо'. Округна" нэ-вахана мэна' табековна есям' ня"-маванда" банковской реквизи-тдо' «МИР» картахад нэбто' тара". Тикы' сер' есь таңга нянд' нэдабтаңгудо'.

Тикы' есьдо' тохолковахана няд"ма" нэңгу".

Хане падро мипаңгу"

Тадри' ненэця" хане пэсетыд". Тикы' е"эмня тандая' хане-ванзь ятнана" жахакуд тунито' падро сертаба пяңгу".

Тюку по' округханана" хане падарм' ня"маван' харвана" округна" ям' сям' нямна манзарана департаментан' падродо' нэдабтабто' тара. Тюку адресан': г. Салехард, ул. Матросова, д.29, каб. 308 паднаванзь тось пирры". Электронной почтавна, МФЦ', «Госуслуги»' сер' ма"лавы" падродо' нэдабтабто' жани' сава нэңгу.

Хане' падарм' юкад вата мат" потна" илебей" ненэця" ня"ма жани' пирьядо'. Жопой, сававна иленаха", вэва серк", харан' хамор"мадавэйха", етя «охотминимум»' теновобцо тохолавэхэ" мипаңгудо'. Таддикахад суд' нямна хане падарцялмы" ненэця" жани' «охотминимум»' тохолковам' мэпато' серо"жа.

Етя падро пырдари' «Госуслуги»' няд"мяць самляңг яля' хэ"мяхад ненэцянд' нэдарамбаңгудо'. Ненэй падарнэ ня"маван' харванаха" жани' мипаңгудо'.

Хане падродо' ненэя нэва' е"эмня ненэцие ханени" госу-дарственной реестран' падыбаңгудо'. Пуна пыдо' таңга хане пиртадо'.

Руфина Окотэтто' падвы"



Нешай” демьпчал”

Чуки дилихит маня” Пюл дяханана няматадакулма дя-ди” мэ’эднајама”. Выўкна, калтыхи’на” дидина” ни” кулкади” пеми”, паны” хайтулаја”, че’эмми”, ниўвиди” паўкалпи”. Пон чахататуң неша”, капи”, ысма” диле мэсутатуң шаўкмян җамытатуң калдытуң җутаханатуң шедташту”.

Тадям четаң демьпчалдатуң хомана мэкат. Неҗи” хэтмайтуң паныдөтуң, пемитун дөльше медьмана пытылды” җөшту”. Таньше хайтулаш тамна нючаҗө тохошту”. Шанат медят, мэкат паны”, пеми” хайташту”, кулкади” матамы” шедташту”. Җалка неша” маньшту: шаўкмян матамы”, пемаң, паның патал тотуң нимитун тая”. Талышам тонламамчедимяна, җукаҗамым каматаны. Касаң демьпчал ниң демьпчалкат хитылда җинди. Каса неша” мюй, кумши мэшту”. Мюй тыҗкопахат хэтпөта, талта мюняң җөшту. Пинямнанта нодяй мюй: танка-хана таҗкапчөшту. Кумши җупчики тыҗкопахат хэтпөта, талта чуув җөш мэта. Касаң пема паталда, хитылда неҗ пемахат җинди. Касамай пема” шанат тэмстуң – дялуты, мал пема, чеҗкак и кумпалы”. Матамэй, патмэй пема”.

Чики пема” танияң манэш тотуң хитылдуң. Хитылдуң камна патлотуң җупчики җинди”. Касамай дялуты пемаң пыдыккан, даладаха, пыдыканта мал – дяҗкшаң мил тоода. «Пыдыканта шича кэвмана җайта патал – кан, нин, матаката” – кан, ничильшаң» – тадым пуша” шиниңкуна маньштуш. Чеҗкак хитыл җупчики җинди. Талыша пема матамышипөй хэтпөта. Чеҗкак пыды тың топадаха.



Тәҗи нешаң диливсохона дилм миндена җинив, тадым катлю тың топатадым шедтамы. Мал пема” җуп тэмс, җуп тодас пенахат”

хэтмы”. Неша” хома пемитон матамэхэна” пытылды” җөшту”, манслаш мэта” пемитон җука паталдоң дякошту”.

Куки неша” мансла мэчитун пемитун – кумпалы”. Ней пема” җупчики калдытуң хитылдуң. Ней пемаң пыдык мяту–удилаха.



Татма: Андрей Пяк таттамы

«Пыдыкихит кайна паталда – дяки, мят макутамна чуув минта. Ней пемаң матак – мят дата» – тадым шиниңкуна маньштуш. Неҗи панытатон мымкат, нойхат хайташту”. Ниң, ни җашкиң паны касамаң панэн манэш, мэкатамна пытылды” җөшту.

Четаң, чуки дилхана неҗи” кулкади матамэй” паныдө, пеми хайташту”. Талыша медят ни” тадымэнан Җәдм дяхана дидина” неша” пон калдытуң демьпчалдатуң – мымай” паныдөтуң, пемитун мэштондятауң.

Андрей Пяк
патмы



Нардалё

(Нердена пеляда 5, 6
номеркана жа)

Тюку ямидхы лаханако Ензя' няна Усть-Енисейской районхана илена ненэцяңгад намдавы. Вадандо' хэтыр" хаця яңга. Толаңгобта", инзеленарахада" цэңгуда". Вадидо' лаханавандо' сер' падвы".

Мядомана вэнекуду тад мад-лавононту. Нардалё мантэй". Маниебнанта ерky мякад сидя ненэчъ һадимя. Под сидя хэван лыңгарайха'. Та ёльчңгана вэнекуда хальмяр пухучам под няван ханаду. Нардалё чурьңа:

– Попа то! Попа то!

Вэнекуда танияна под нявувна мядо" ед ним нявоту". Надимдананта хан мюня чибиди хальмяр пухучам сидя хэвхад ядңади'. Тари харсэй" маха ня.

Нардалё нули" сюрмбю" нив, манма:

– Харечи' небямчи' амгэ тарем мэри? Небянчи' тайна турумахад амгэ ехэради? Амгэ тарем мэри? Нер" һока чёrm нэдаптадамню": ханми нэдарадм, пухучами нёя ха", вэнеку" нёмту хада". Амгэ нисяди' намдор"?

Ма" нихим:

– Юңгов", юңгов", нини' намдор". Чедав харни' серми' нэ" нив.

Нардалё манма:

– Чеда хардаха" ханаңгув. Тад харечи' небянчи' емня сярңгуди'.

Ма" нихим:

– Нардалё, чиканта нэя. Сидя недапт ханаин. Тайхав, харад" няхав сидни' нён хана"! Небями' һод" пухучаң хэ" нисяв. Харни' небями" нэ" нив. Сидя недапт ханаин.


Нардалё мядо" ня тэвы". Сидя не мале мюдм подерңаха'. Тыду һани сянри һока нэдакы". Сив хаби мюд пумна тыду тари чурхана ныкалъяду.

Нардалё вэнекуда мэчъ нэдалэй". Сидя нехэ', няби танырңа, няби пумнанта миңа. Пуняңы поданта няван тэвы" һани, сидя ненэчийкохоюд самбляңг юд тым чикана марембиди', Нардалё тэңэ. Нардалё няби не самбляңг юд ты тари танэйда.

Нардалё хабей ервота мяд хэван һысы. Тад чикад мядота ед һоб ненса тым хавра, тусавэй ты һамса. Немча тэвра, нердена немча. Чедав мякананта няхар" недя. Чикы пуд Нардалё хэвня ни ядерчету". Тыда һока нэ" ним. Пихиня хананта ниня юсидасъты.

Амгэ ёльчңгана һамчиду һорачъ лаханакурмонту. Хабей ервота мамононта:

– Нардалём чеда хучер" мэсь саво нэпта? Недя няхарню". Нэ-



пкаваду харна" нюва" нэ" нив. Сидя нем тавысь. Маня" чикаюда Нэчеkyна" неңэмыңгухуюна". Ты илндава" та. Хуняна Нардалём еся почка мю лада ит нэдаптаива".

Нардалё хананта ниня юсиди инчеле.

Хуняна хабей ервота Нардалём ханада, ма, тоява. Нардалё то. Хабей ервота манчъ ханада:

– Нардалё, ты илндава" мале

тэвра" нинав, есядава" хочъ хант" нянав.

Нардалё ма:

– Еся ханяна жа?

Хабей ервота ма:

– Серебруй еся тасий марана тари юсиди, ид һылна. Еся почка мю ладхая сит нэдаптаңгу" нивам. Есядава" тэврахавабат чикавахана ненэся ийва" цэңгун.

Хабей ервота мунда чаха мэсь

вэва нэ" нив. Нардалё хуняна хамы". Чаханяңы хэвхы купес харад нермя ядувна, чикавна симэду. Ёрянта тэлувна яңга сим мэвы". Тад Нардалё еся почка мю пакалй". Почкамта лададу. Ма", есям хочъ хант" нив. Тасий марана еся тари юсиди" нив.

Нардалё почкам сян нэдаптамба пяннанту нули" таркараңга. Яңганту си нюдя нэвы. Тад нумда пэвсюма, нули" чечи. Хабей ервота манма:

– Ханимявов"! Ет пэвсюмяню", амгэн маяндорңава"? Яңганта си һаркамбой нэпта вэва нэса? Хуняна мэива". Еся почка мю ладмахад Нардалё хунярт ни хант". Хуняна ёльчеива". Еся почка мюня пи чаха мэя.

Нардалё тахабе хаю" нив. Пиңэ хэ" нив, хонараркавы".

Пи амгэ ерня сенакоча һадимонта, нули" сенэрмонта. Луса вахалмонта:

– Купес луса нермянта ядувна амгэ яңга сим сертавы"? Нермянта ядан амгэ һани почкам һаптавы"? Почка мюд вахалй":

– Хабей ервота почка. Мань Нардалём. Есям хочъ хаидамчъ. Хабей ервота есяд хоманчъ хэвндам, һадьбяни һаченадм. Яңгани сим нюдимчевы". Маңачъ, тасий марана серебруй еся тари юсиди. Ненэчаини есяд хоманчъ хантадм.

(Пелямда һадиманда
газетахана толаира")


«Ненецкий фольклор»
толаңгобць" мюд ханавы. 1976
похона Таймыр' няна
Тухард' тер,
Ямкина Мария Николаевна'
ваде"мы, няданда
К.И. Лабанаускас' падвы



Падтама": Руфина Окотэгто' сертавы"

Хобцоко" ◀

Ныхы''ма нобнзер' нэвахад ҥа



Тюку пова" Россияна" латдавна тодо" тэнз" ненэцие" ноб' нятва поңэ толы. Теда' ненадо сер" няю' хуркари яля' ня' нэда ҥаво ҥадимдемби". Саля' яв' лаңг' ний хардахана концертм' сертавыць.

Ҧытарми" Салян' тэвна ненэц' таминда тид" сехэрэвна мимбта, мараңга' то"олха ҥолепахана ҥолепядавы сидя яңорэта харадм' манэта. Тикэр культура' мя" ҥэңгу. Сяхаринда ҥэбта ҥод", тарця мя" ненэцяңгана панта. Таняд сёе" мун" етри' соңгу".



Сидяҥг' ранаевскдк няд ханааы"

Тандая' ти, таняна концерт ҥась. «В Единстве Сила» нювм' мэ"ҥась. Культура' мякана манзарана" харад' тер" нито' е"эмня ноб" няю' нятва' нямна хыно"ҥаць. Концертан' сыр-манзъ товы Алёна Ҧокэй вадамда мэ"ҥась:

– Сидна" практикан' товы Дарья Дуборкина ма"лась. Пыда режиссёрнэ Саляңгардыхы колледжхана тохолку. Тараванзъ, сё мэ"манзъ харад' тер" ҥацекы, ҥарка ненэцие хаҥась. Няхар" ха-сава ҥацекы Ярослав Окотэтто, Самир Кусаев, Игорь Лаптандер хайнана вади ваде"ҥаць. Вадам' минренаха' ҥани' ҥацекэхэнзъ.

Ҧани похона школан' хэвандаку" «Тэтэль-Вэтэль» няби «Ритмы Севера» сёхо' мэ"ҥаць, тараць.

Тикы' хавна яңга лохоко' мюня мел" нито' манзай манэ"лабтамбавыць. Ной паны, мальця' таңга, мада тэвра-

выць. Тавыдо' ни' иня", те"эм", ҥодякохот паңгалмы" ҥамгэри", ҥухуку".

Сава вади мэ"манзъ хардандо' нэвахана мэна Надежда Алексеевна Табитуева турмысь. Пыда няхата тарця вади хэтвысь: «Ни"на" помна нись поёмба, нись поёхолтамба илеб"нана", нина" нядабаб"на", тикахана Россиява" мээ я ҥэңгу. Сензда" ҥада", илра" сава ҥэя".

Ма"люрма" нэва' ёльцяңгана ненэця" маймбасеты". Пыдо' нидо' манэпи", лаханакурҥа". Тарем' ядэрма' сер' ням' манэ"ма ёльце сава ҥэ"нив". Сёнзянд мюй таңгамды"ма, ир савумдава, пунэй" пыванда" манзайд хайна минда"ма.

Анна Яптик' падвы

Таслара",
хурка вада"
сюры"?



НЭСЯ



Р



ЦЯ

””



O=A

ТЮ



Татьяна Сэротэтто' сертавы"



Интернет'
мутравна
сидна" хось
пирҥада",
ТЮКОН'
тюда".



Газета «Няръяна Нгэрм»	Главный редактор Яр Марина Тэтакучевна	ГЕНЕРАЛЬНЫЙ ДИРЕКТОР АНО «Ямал-Медиа» Зулинова Мария Андреевна	№ 7 Подписано в печать 12.02.2026 г. Вышла в свет 14.02.2026 г. По графику: 16.00, фактически: 16.00.	ПОДПИСНЫЕ ИНДЕКСЫ: на год – ПА701, на полугодие – ПР562.
Учредитель – департамент внутренней политики ЯНАО (629008, ЯНАО, г.Салехард, пр-кт Молодёжи, д. 9, каб. 708).			Тираж 3600 экз. Заказ № 38 тз (тираж 3600 экз.) отпечатан в АНО «Ямал-Медиа» Юридический адрес: 629003, Ямало-Ненецкий автономный округ, г. Салехард, мкр. Богдана Кнунынца, д. 1, каб. 106	Цена годовой подписки 166 руб. 84 коп.
Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д. 9, каб. 708)			Фактический адрес: 629007, Ямало-Ненецкий автономный округ, г. Салехард, ул. Чубынина, 39А	В розницу не распространяется.
Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года. Регистрационный ПИ № ТУ72 – 00559			Газета выходит по субботам.	Адрес редакции: 629003, ЯНАО, г.Салехард, мкр. Богдана Кнунынца, д. 1, каб. 106 тел. +7 (349 22) 4-53-32 E-mail: nn@yamal-media.ru